

長樂縣志卷之二

星野

躔度

占驗

氣候

祥異附



分野之說始於周官述於左氏在周人占驗不爽符節漢唐以來則不盡然豈古術密今術疏乎非也周天十二次二十八宿各以星分屬九州十八省千四百餘縣外藩島國尚不與焉夫以一星屬於州州分爲省省分爲府府分爲縣而欲畢有準驗其可得乎左氏浮夸所述星占恐多傳會天道遠人道邇治郡縣者務盡人道而已天道存其迹不廢不泥有變則加倣斯務實之學矣作星野志

閩於禹貢當屬揚州於秦郡則屬會稽爾雅星紀斗牽牛婺女三星

長樂縣志

卷之二

星野

一

也史記天官書漢書地理志皆以斗牛女爲揚州之分野自斗十一二度至女七度爲星紀之次於辰屬丑又爲吳越之分

後漢書郡縣志 晉

書天文志 隋書地理志

閩在越分兼牛女矣而唐書天文志則謂閩兼斗牛元

史天文志則謂閩惟屬斗明史天文志則謂閩兼牛女此正史言閩分星大同而小異者也春秋元命苞魏陳卓吳虞翻皆以閩分星惟屬牛蓋以會稽入牛一度每星一度跨地千四百六里有奇則謂閩省咸隸會稽牛一度較爲可信此又各家言閩分星之不同者也長樂偏福州府之東南百二十里而近據經緯圖則與福州同隸於牛分也

躔度



向來皆以星紀而測牛女之度汎濫曼羨無濟實用何所取焉惟明史天文志福建省北極出地二十六度以西法測之全省二十六度福州府當二十五度矣今長樂在福州之東則又當二十五度之偏東也

占驗

左氏傳至史漢晉隋閩省占驗附於星紀屬吳越之分惟唐景福元年星孛斗牛其占越有自立者而王潮起於閩中此為閩省占驗之始他如以五緯星占驗則有主熒惑者史記天官書 漢書天文志 續漢志注以北斗七星占驗則有主權星而當杓魁之交者春秋緯文耀鉤以十干十二支占驗則有主癸亥者漢書天文志 淮南子以雲漢占驗則

長樂縣志

卷之三

星野

二

躔度占驗

有主南斗當雲漢下流者

唐書天文志

以周易卦位占驗則有主巽維

者

同上

大都參錯僮侗不足徵信此於福州尚無稽而況長樂乎

氣候

福州氣候恒燠長樂居丙位之東燠不為瘴寒不至迤右依山左

環海春多北風又多暴風

俗謂正月初九玉皇暴念九拗九暴二月初八龍神暴十九觀音暴三月又有

清明暴此數暴舟人恒避之

及秋應多西風而反少者則山為障蔽也凡五穀

草木果實之熟邑西連閩縣屬者較府治遲一候至邑東則漸遲

一氣地東南際海夏秋閒每多颶風莊子所謂扶搖羊角是也

具四

至而旋轉故名颶風

俗謂風災颶將作必先海嘯

俗名海洞

南從御國山旁起至

梅花灣止無風浪湧轟騰澎湃時有破蓬形狀如霓僅出半截名



曰颶母嘯止不出三日颶風作矣風將息則自北而南仍止御國山旁風將大則從梅花灣直過北交至浙江温州界傍海之民常以占風信焉

祥異 附

唐建中三年六月大旱井泉竭人渴且疫 開成五年蝗疫 乾符五年十二月黃巢入福州邑民騷擾奔竄

宋至道二年大雨黑豆 元豐八年十月五都東庵荔枝有實三十顆 元祐八年海風駕潮害沿海塘田 大觀八年大旱 紹興二年饑斗米千錢軍饟緊急民益躑食監司移廣粟以濟六年仍饑令部使者漕廣粟以濟 隆興二年正月不雨至於七月 乾

長樂縣志

卷之二

星野

三

氣候祥異

道三年八月淫雨禾菽腐 淳熙四年五月大雨漂崩溪澗之田塘禾生耳 十年八月己未雨至於十月乙丑 十一年旱次年饑無麥 十四年旱 十六年五月大霖雨 紹熙二年四月霖雨至於九月 五年九月雨至於十月 十一年四月不雨至於八月 開禧元年旱 嘉定十一年饑人食草根 十四年大旱 十六年秋大水壞稼 紹定三年蝗 嘉熙四年大旱 淳祐十一年旱 寶祐元年旱 咸淳十年大旱冬十月地震 德祐元年地復大震

元元貞二年饑賑粟 大德六年大饑 至正四年三月不雨至於八月夏秋大疫 十四年大饑 二十七年十月丙辰雷雨地震



十二月庚午又震有聲如雷

明洪武九年丙辰風雨大作傷稼 十七年甲子六月十五夜雨大

作海水漲溢隄防 二十年丁卯夏大旱民饑 二十一年戊辰

七月淫雨五晝夜水漲異常傷稼 永樂十年壬辰首石山鳴讖

云首石山鳴出大魁十洋成市狀元來是年山鳴適三寶太監駐

軍十洋街人物轉集如市是科邑人馬鐸狀元及第戊戌又鳴邑

人李騏亦狀元及第 十二年甲午大旱 景泰二年辛未夏旱

六年乙亥大旱連年不雨建劍人販米入境斗米十文錢人賴

以濟 成化十六年庚子十八都昆由里平地突起小阜高三四

尺人畜踐之輒陷鄉人聚觀以爲異明年復於左湧起一山廣袤

長樂縣志

卷之二

星野

四

祥異

五丈餘是年傍近居民大疫四月十一夜海賊掠江田人家 十

八年壬寅七月大雨至八月朔漂禾稼壞公私屋宇先是十一年

二都半占山裂至是崩壓居民廬舍死者二十七人 十九年癸

卯六月十九日大風雨拔木發屋濱海夷蕩尤甚 二十一年乙

巳三月雨至閏四月浸傷禾苗繼復大疫十月丁未地震起自西

北有聲 二十二年丙午春旱五月以後大旱 二十三年丁未

春旱無麥秋旱無禾民大疫 宏治十一年戊午春十九都靈峰

高頂產芝三本夏旱 十二年己未五月不雨至於十月大饑上

官移汀郡粟以濟 十五年壬戌十月馬江賊劫渡舟殺十六人

十六年癸亥正月十九日夜馬江大風覆舟二月大雹 十八



年甲子七月大水半月不退禾稼淹腐 正德二年丁卯旱 四年  
年己巳禾稼吐穎被烈風傷殘事奏蠲租之半 七年壬申夏大  
旱 九年甲戌春夏大疫 十年乙亥二十三都陳塘港沙合古  
讖云陳塘沙港合土子勝莆田相傳爲多土彙征之兆 十二年  
丁丑春大旱 十三年戊寅六月十九日夜分海潮突入高二十  
餘丈聲震若雷淹近海民居大饑知縣曹鑑請賑是年春廳事前  
枯荔重榮 十四年己卯春霖兩霜雪六十餘日 十六年辛巳  
旱 嘉靖四年乙酉梅花海水忽赤經旦復清魚蝦可數 五年  
丙戌正月雨至於四月五月不雨至於七月田禾無實知府汪文  
盛奏蠲是年田租 六年丁亥春地大震 七年戊子旱 九年

庚寅四月初七日晡太常山鳴 十六年丁酉夏四月不雨至七  
月禾絕收 十七年戊戌春旱 十八年己亥六月日午驟雨大  
作轟雷閃電六都前山火起石礮上數處並起烟焰甚烈雨盛而  
火益熾閏七月十八日颶風拔木壞官民屋宇橋道塘岸崩陷  
二十年辛丑獨長樂春雨至四月十五日止是月十六日旱至次  
年癸卯四月二十八日乃雨連年饑饉疫疾閒作 二十三年甲  
辰春疫旱田多曠耕麥秕五月十六日乃雨六月中旬磁湧海水  
翻魚蝦皆斃颶風繼作復大疫十一月二十五日雷震十二月初  
二日地震 二十四年乙巳自舊年十月不雨至是年三月民疫  
無麥穀價騰踊民鬪草根屑木皮食之道殣相屬巡按何維栢檄



官分賑 二十九年庚戌自舊冬不雨至是年春無麥五月六月  
不雨田禾枯槁 三十二年癸丑夏四月海賊劫二十都小社  
三十四年乙卯十一月倭夷寇海口本縣募義兵往援應募者多  
感恩人初戰少捷再戰於龍江橋橋隘已非戰地會水兵銃發烟  
罩賊乘烟奮擊兵遂潰 三十五年丙辰正月十三日海口倭夷  
由本縣石尤嶺逾閩縣欽仁里遁去 三十六年丁巳三月倭夷  
千餘自浙東至福寧登岸焚劫洪塘等處迫福城外擁巨艦銜尾  
揚帆下馬江艤瀛前三日分數十小舟入諸港寇二都三都殺十  
餘人沿鎮入海 四月文石松下南賊水陸沓至居民奔竄 六  
月稅閒架增夫徭 八月十九都金漆湖產嘉禾二畝許秀而實

長樂縣志

卷之二

星野

六

祥異

其種非里中所有或云蒹葭幻成 十月倭夷突至洋崎邑城戒  
嚴僉事盛唐提兵駐馬江亭次日兵從二都三都往福清沿途剽  
劫焚三都民居 三十七年戊午四月倭夷千餘由閩安鎮焚劫  
瀛前卒至邑城下沿長興江至坑田焚舟登岸接羅芹山絕頂度  
石尤嶺往福清城陷 五月初二日倭夷一千餘由六都竹田嶺  
八都礮嶺二路入屯三溪將逾感恩迫縣治舉人石震生員曾汝  
魯等率眾斷橋禦之憑溝夾岸以戰又從六都催兌溝進遇古懸  
下村青山下民兵戰北歸屯三溪十二日分四路遁去一由竹田  
嶺一由礮嶺一由大溪山嶺一由長林湖俱往福清二十七日入  
海參將尹鳳秦經國田某等督舟師邀擊至江田灣會都指揮使



黎鵬舉將舟師南旋夾擊遂破之沉賊舟過半時巡撫王詢有諭  
感恩民兵文 九月民間傳馬騮精爲祟逃邇鳴金擊鼓若防  
巨寇者十餘日 十月雷震 十一月地震 十二月松下民陳  
天養偕幼子樵於烟墩山遇暴風忽失其子是夜暴風掣戶又失  
其父後謁巫治之竟無所得 三十八年己未三月至六月倭夷  
先後由福甯度鼓嶺焚劫福城外浮馬江而下復從閩安鎮瀛前  
入三叉港又循福清出礮嶺抵三溪等處布滿南北鄉自增礮遠  
谷以至遐陬僻巷悉搜剔無遺又淫雨滂霧兵火逾三月骸骨相  
望四月二十六日迄二十九日日夜攻城先贛州守備來熙帥兵  
入守用鳥銃擊傷百餘賊解去城上被傷者十餘人自守備至解

長樂縣志

卷之二

星野

七

祥異

嚴七十餘日間落居民暨閩縣福清連江附近居民避賊入城者  
眾蒸染成疫每日四門出百餘屍五月二十一日大風雨七日夜  
平地水流有聲廬舍傾頽 三十九年庚申四月倭夷寇北鄉巡  
撫劉燾帥親兵馳馬挾弓赴之遇賊於壺井山下應茲斃二酋賊  
方駭潰而我師旋歸矣賊得乘汝由七都仙橋逾八都礮嶺遁去  
六月初四日漳南海賊劫汴頭初八日劫小社夜半復襲劫小社  
殺數人擄數十人入海秋上官移文停罷催徵 四十年辛酉四  
月二十四日倭夷寇北鄉二十五日寇西南鄉殺掠無算二十六  
日越石尤嶺往福清五月十八日復寇北鄉十九日乘汝至七都  
仙橋逾八都由礮嶺往福清 四十一年壬戌四月十四日倭夷



寇北鄉由十四都乘汐突至江田往福清又至二十都屯社頭山  
千戶孟某巡簡范鶴率兵戰於燕石鄉兵助之賊劫奪漁舟入海  
是秋賊久屯福清浙福副總兵戚繼光帥兵勦捕兵駐邑城經二  
都三都四都五都秋毫無犯焉夜薄賊營殲之凱旋復經邑治士  
民歡迎嗣是屢戰屢捷夷氛漸息冬戚入浙募兵興化城陷 四  
十二年癸亥三月倭夷寇二十都二十八日寇十九都擄四十餘  
人四月巡撫譚綸蒞鎮戚兵至自浙大破賊於平海復興化城

四十四年乙丑秋西隅火延燒民屋百餘間 隆慶五年辛未夏  
旱 萬曆元年癸酉三月東隅鄭大智家產芝一本 二十二年  
甲午大饑貧民多搶穀撫院金學會准生員鄭建邦呈請發本縣

長樂縣志

卷之二

星野

八

祥異

倉賑給軍民各縣體例又新得番薯種教民栽種秋收大獲名曰  
金薯 三十年壬寅八月二十五日大風覆舟 三十四年丙午  
春二十三都後山地突生猪毛遍野次年亦然 三十六年戊申  
十八都東山洋平園突起高四五尺圍六丈餘 四十二年甲寅  
九月二十一日後山民房發火燒茵存其藁少頃龍從鼓尾潭起  
大雨滅火魚船四隻爲龍攝去墮地粉碎又攝網戶鄭進德過二  
里餘墮田中擡回十餘日尚極臭如銅 崇禎三年庚午六月海  
賊登松下居民禦之退八月初十日都海佬又以百餘船登從山  
倒圍死傷甚眾 四年辛未七月初二日海寇復登松下殺人放  
火 五年壬申三月麥將熟大雨雹如拳從連江縣治過莆盛山



幾半邑麥無粒收 六年癸酉六月二十二日海賊劉香駕船三百號自定海所抵梅花灣而入內港焚燒民屋後山灣民集莆盛山禦之本地得不入 九年丙子劉香太夥賊船登松下灣殺人放火居民逃竄三日絕烟 十二年己卯八月十六日風雨怪作拔樹發屋海邊尤如洗 十四年辛巳八月初一日大風拔木飄瓦壞廬舍甚多

國朝順治五年戊子春旱 七年庚寅海寇掠沙京等鄉人多入雲梯洞避之 十一年甲午海寇甘藍郝等由十都抵北鄉聚嘯馬山履畝派糧時北鄉農民田受兩賦 十六年己亥七月二十八日颶風作 十八年辛丑海寇沿岸剽掠冬十月 命沿海居民

長樂縣志

卷之二

星野

九

祥異

遷內地北從雁山抵金峰南至大嶼轉壺井直至三溪爲界絡繹設八寨康熙元年壬寅海寇又蜂起復 命八寨居民內遷北至鶴嶺南至六都井門爲界惟二三四五等都免遷九年庚戌 命調復八寨十一年壬子海寇又熾復移八寨居民東以渡橋旒峰等處爲界十三年甲寅耿藩變派民爲夫無甯日十七年戊午耿逆平海寇復熾重遷沿海居民又以鶴嶺爲界二十年辛酉重復自順治十八年遞遷遞復至是沿海居民盡復故土 康熙十八年己未五月大風 十九年庚申大水 三十年辛未大風發屋三十五年丙子旱無秋 四十五年丙戌春旱禾未擢 四十七年戊子疫 六十年辛丑正月二十七日大雨雪是年大有秋



雍正元年癸卯夏大水 六年戊申正月二十八日大雪六月初四日白龍現空中鱗甲俱見秋旱 乾隆二年丁巳八月十五日夜颶風海漲沿海人居多飄溺 三年戊午五月東隅鄭銘書館井出醴泉 五年庚申五月朔辰刻日食既 七年壬戌夏蟲禾不花 八年癸亥冬彗星昏見西方 十二年丁卯秋旱早晚缺收免賦冬十五都涸井中湧甘泉 十五年庚午八月初八夜大風 十六年辛未七月十四日大風雨 十七年壬申秋大水 十八年癸酉疫 二十年乙亥八月十六夜有星孛於南方明如月 二十五年庚辰七月初九日午刻十六都華齡寺前龍起挾小兒空中丈餘墜下 四十八年癸卯夏風災拔木壞屋 五

長樂縣志

卷之二

星野

十

祥異

十九年甲寅秋八月大雨一日夜溪水漲溢淹壞汾陽王後殿冲倒太平橋亭 六十年乙卯夏大饑穀貴每挑價三千六百文 嘉慶九年甲子夏秋大雨芝山六平山皆有崩陷 十四年己巳六月十八日辰刻風災拔木屋瓦如飛屋簷如簸幸止一時許 十五年庚午春正月念九夜雷電大雨雹樣如雞子秋七月初六夜彗星如帚天河邊射入西長丈餘九月河南林清教匪變十月詔拿朱毛俚 二十年乙亥春夏不雨早稻絕收 二十二年丁丑秋九月初七夜縣吏戶禮三房儀門一座被火延燒 二十五年庚辰秋七月吐瀉盛行起西門漸移東門人死極眾至九月徧南北鄉十月始息 道光元年辛巳秋吐瀉又作 四年甲申



自夏至秋不雨 六年丙戌大饑穀價每挑三千六百文 十年  
庚寅秋疫盛行 十二年壬辰正月初六夜大雪約二尺三月饑  
穀價每挑三千文八月近海一帶鹹潮漫入平洋田廬盡淹 十  
四年甲午歲饑每挑穀價四千文五月大水七月鹹潮湧起十餘  
丈壺井棺木漂至北山一路蛙鼃蛇蠍斃死不計其數潮退兩日  
臭不可聞 十六年丙申春夏大旱秋吐瀉大作 十七年丁酉  
春夏瘟疫盛行 十八年戊戌瘟疫大作 二十九年己酉冬癘  
盛行 三十年庚戌除夕大雪 咸豐元年辛亥正月朔日有食  
之秋冬之交吐瀉大作 二年壬子夏風災 三年癸丑六月十  
九日大風雨損禾稼至七月初一始霽南向垣墻損壞者十有八

長樂縣志

卷之二

星野

十一

祥異

九未幾延平變起 四年甲寅五月初三日大雨傾盆太平橋欄  
被溪水衝折橋下塘壞水淹司馬第下馬道人家低者有八九尺  
高者亦有尺餘 五年乙卯春夏不雨早晚稻絕收遍地皆種紅  
薯秋薯蟲遍生大如姆指薯葉被食殆盡先是天雨荳次日荳皆  
變成蟲卵以致蔓延冬至以後變為蛾縮若花生仁土人煨而食  
之味甚甘香種遂絕是歲大饑穀價每挑三千六百文 八年戊  
午彗星入文昌宮 十年庚申有彗星射紫薇垣 十一年辛酉  
日月合璧五星聯珠 同治二年癸亥正月十五日大雪深一尺  
餘 三年甲子三月十八日大雨雹自閩邑入境歷陽夏龍門等  
鄉從風門嶺沿海東北而去他鄉無異六月廿五日大風至七月



未止屋破墻崩不計其數 七年戊辰秋洽輿一帶海潮漫入  
八年己巳春夏大雨水秋旱北鄉一帶薯蟲又生

長樂縣志

卷之三

星野

土

祥異